

Մ. Պ. ԱՂԱՅԱՆ, Հոկտեմբերը և հայ ժողովրդի ազատագրական պայքարը, մարտի համալսարանի հրատարակչություն, Երևան, 1982, 414 էջ:

Անդամակոս Մ. Պ. Աղայանը պատկանում է մեր այն պատմաբանների թվին, որոնք լուրջ տաշտորություն են դարձրել հայ ժողովրդի ազատագրական պայքարի ուսումնասիրությանը և այդ հարցին նվիրված առանձին մենագրություններ հրատարակել: Դեռ 1976 թ. հրատարակվեց նրա «Հայ ժողովրդի ազատագրական պայքարի պատմությունից» խորագիրը կրող մեծածավալ աշխատությունը, իսկ անցյալ տարի լույս տեսավ Մ. Աղայանի «Հոկտեմբերը և հայ ժողովրդի ազատագրական պայքարը» մենագրությունը, որն ամբողջապես նվիրված է մեծ Հոկտեմբերից հետո Հայաստանում ծավալված ազատագրական պայքարին: Դա դեպքերով ու իրադարձություններով խիստ հարուստ, բայց և բավականին բարդ մի ժամանակաշրջան էր, երբ հղեռն ու գաղթ տեսա: արևմտահայության վերջին բեկորները իրենց արեւելահայ եղբայրների հետ միասին ստիպված էին գերմարդկային ճիգեր գործադրել մի կողմից դալարվող ոսոխի՝ թուրք բարբարոսների առաջն առնելու և գոյատևելու իրենց իրավունքը վաստակելու համար, իսկ մյուս կողմից՝ պայքարելու երկրում սովետական կարգերի հաստատման համար, որի մեջ էին տեսնում իրենց միակ փրկությունը:

Եթե Հայաստանում սովետական կարգերի հաստատման պատմությունը մեզանում բավականաչափ ուսումնասիրված է (թեև այստեղ էլ դեռևս բավական անելիքներ կան), ապա 1918—1920 թթ. թուրքական ագրեսիայի դեմ հայ ժողովրդի մղած ազատագրական պայքարի պատմության մասին այդ նույն ասել չենք կարող: Վերջնական, էրզրումի, Սարիզամիշի, ապա Սարիզարապատի, Բաշ-Ապարանի, Ղարաքիլիսայի, Զանգեզուրի, այնուհետև Կիլիկիայի ազատագրական հերոսամարտերը դեռևս պատշաճ մակարդակով չեն ուսումնասիրվել,— գրում է հեղինակը:— Կասկածից վեր է հայ ժողովրդի պատմության այդ փառապանծ էջերի գիտական խոր ուսումնասիրության և բազմակողմանի լուսաբանության հրատապ անհրաժեշտությունը (էջ 5): Զհամաձայնել հեղինակի այս տողերի հետ, չենք կարող: Իրոք որ այստեղ մեր պատմաբանները դեռևս չուրջ անելիքներ ունեն, այդ շրջանի պատմության շատ մոտ ծայրեր դեռ կարող են ուսումնասիրության, դեռ չեն բացահայտված, չեն լուսաբանված: Գիտակցելով այս, հեղինակը ձեռնարկել է սույն գործը և բավական հաջողությամբ կատարել իր առաջ դրված խնդիրները: Ճիշտ է, սրանով բոլոր հարցերի չեն լուծվում, բայց և այնպես, մենագրությունը լուրջ քայլ է մեր պատմագրության մեջ՝ տեղ գտած այդ բացը լրացնելու ուղղությամբ: Գիրքը կարգացվում է հետաքրքրություններով, այն մի կողմից մեղադրական ակտ է թուրքական զավթիչների և արևմտյան իմպերիալիստների նկատմամբ, իսկ մյուս կողմից ձեռն` հայ ժողովրդի ազատագրական պայքարի մարտիկներին և հատկապես ազգային հերոս Անդրանիկին: Անդրանիկը ամենուրեք է. թե էրզրումի համար մղվող ծանր մարտերում, թե Զանգեզուրում ու Նախիջևանում: Եվ ամենուրեք նա վե՛: է ու մարդկային, նա ոչ միայն զորավար է, այլև մեծ հումանիտա: Անդրանիկը չի կարող տարբերություն ու խտրություն դնել հայ և թուրք աշխատավորների միջև, ուստի ամեն մի գյուղ կամ նոր շրջան մտնելիս, նա իր գործերին հրամայում է չնեղացնել աշխատավոր ու խաղաղ ամահմեդականներին: «Թուրք խաղաղ բնակչության դեմ ոչ մի ոխ չունեմ, ես կռվում եմ միայն բեկերի և կառավարության դեմ»,— ասում էր Անդրանիկը:

«Արաբքը կամուրջներ չի հանդուրժում»,— ասում էին հնում և դրանով իսկ ընդգծում հայ ժողովրդի ազատաշունչ ոգին: Այդպես էր դրությունը նաև 1918—1920 թթ., երբ հայ ժողովուրդը, նրա լավագույն զավակները, չհանդուրժելով և ոչ մի ստորացում ու բռնություն, նշավակում էին դաշնակցականներին՝ երիտթուրքերի հետ համագործակցելու համար, մերժում Բաթումի դաշնագիրը և զենքը ձեռքին շարունակում պայքարը նենգ թշնամու դեմ: Պայքարի մարտիկները շեշտում էին, որ հայ ժողովրդի միակ փրկությունը գալիս է հյուսիսից, որ միայն ռուս ժողովուրդը, սովետական իշխանությունը կարող է վերջ դնել Անդրկովկասում ստեղծված դժնդակ պիկնակին: Դրա համար էր, որ Անդրանիկը Նախիջևանի երկրամասը հայտարարում է սովետական

և իրեն ու իր զորամասը գնում սովետական իշխանության տրամադրության տակ՝ այդ մասին համապատասխան հետադիր ուղարկելով Բաքվի Կոմունայի ղեկավար Սա. Շահումյանին: «Անդրանիկը դուրս է եկել գյուղացիական Հայաստանի խորքերից և իր արյունով կապված է նրա հետ, — գրում էր «Իզվեստիան»՝ 1918 թ. հուլիսի 26-ին — Նա ղզալուն կերպով ունկնդրում է ժողովրդին տանջանք բերող հառաչանքը և կատարում է իր գործը: Իրականում կատարում է իրեն ասպարեզ րկրած գյուղացիության կամքը: Եվ պատահական չէ նրա որոշումը՝ գործել Սովետական Ռուսաստանի կամքին համապատասխան: Այդ որոշումը դարավոր ճշնամից աղատագրվող գյուղացիության որոշումն է, որն արդեն ճանաչել է իր թշնամիներին և բարեկամներին» (էջ 207):

Հեղինակը, անդրադառնալով ղաշակցության դործունեությանը, վեր է հանում այդ կուսակցության քաղաքականության կործանարարությունը, ցույց տալիս, որ նրա ղեկավարները հայ ժողովրդի համար այդ ճակատագրական պահին ոչ թե մտածում էին Հայաստանի փրկության, այլ իրենց նեղ կուսակցական շահերի մասին:

Գրքի ամենահաջողված բաժիններից մեկը երրորդ գլուխն է, որն ամբողջությամբ նվիրված է Արևելյան Հայաստանի պաշտպանության համար 1918 թ. գարնանը մղված հերոսամարտներին: Անհնարին է առանց հուզմունքի կարդալ Սարգսրապատի, Բաշ-Ասլաթյանի և Ղարաբիլիսյայի ճակատամարտներին նվիրված էջերը: Եվ միանգամայն իրավացի է հեղինակը, երբ գրում է, թե «միայն ներքին հզոր ուժ և պայքարի մեծ ուղի անցած ժողովուրդը կարող է բազմապատկել իր բոլոր կարողությունները, ինքն իրեն գերազանցել և գոյատևման իրավունք նվաճել: Ահա այդ վճռական պահին էլ հայ ժողովուրդն իր մեջ հաղթանակով ապրելու կարողություն գտավ» (էջ 131):

Գրքում մեծ տեղ է հատկացված հայ ազատագրական պայքարին նաև Կիլիկիայում, Սևրի պայմանագրին ու նրա հետևանքներին, Արևելյան Հայաստանի վրա քեմալականների ագրեսիային: Այդ բոլոր իրադարձություններին անդրադառնալիս հեղինակը կարողացել է համոզիչ փաստերով բացահայտել արևմտյան իմպերիալիստների իսկական դժբաղ և ցույց տալ նրանց քաղաքականության կործանարարությունը հայ ժողովրդի համար: Ավելի բան երկու միլիոն հայեր քաղաքակրթ Նվրոպայի և Ամերիկայի աչքի առաջ զոհ գնացին թուրքական շարժարարներին: Արևմուտքի իմպերիալիստական տերությունները, որոնք այնքան շատ ու շուրջ խոստումներ էին տվել հայ ժողովրդին, իրենց սեփական շահը հոգալով, «մոռացության» տվեցին, լքեցին իրենց «փոքր ղաշակցին»՝ նրա ձեռքը տալով լոկ մի թղթի կտոր: Հեղինակը հակիրճ, բայց համոզիչ փաստերով ցույց է տալիս այն նոր ավերածությունները և եղևոնը, որ կատարեցին թուրք ղավթիները Կիլիկիայում ու Կարսում, Սարիղամիշում ու Ալեքսանդրապոլում և այլուր, այն էլ՝ Նվրոպայի լուռ հովանավորությամբ: Եվ կշարունակվի հայ ժողովրդի գողգոթան, եթե մեծ ճակտեմների ազատաշունչ ոգին լքեածեր նաև Հայաստանում: Հայ ժողովրդի ազատագրությունը մեծ ճակտեմների արգասիքն է — ապա է հեղինակի հավատամքը, և այդ միտքը անցնում է ամբողջ գրքի միջով՝ սկզբից մինչև վերջ: Թե 1918 թ. դժնդակ օրերին, երբ հայությունը շնչահեղձ էր լինում Երևանի և էջմիածնի շուրջը կծկված, թե 1920 թ. աշնանը, երբ քեմալական ղավթիները մոտեցել էին Արարատյան ոստանին, հայ ժողովուրդը միշտ իր հայացքը հառել է դեպի հյուսիս՝ այնտեղից սպասելով փրկարար օգնությունը:

Մ. Աղայանի այս մենագրությունը ոչ միայն պատմագիտական, այլև դաստիարակչական կարևոր նշանակություն ունի:

Գրքում կան որոշ թերություններ, հակասական մտքեր ու անհաջող ձևակերպումներ, բայց դրանք չեն նսեմացնում այն օգտակար աշխատանքը, որ կատարել է ակադեմիկոս Մ. Աղայանը՝ նրա աշխատությունը հիմնականում հաջողված գործ է, զորված մաքսա-լենինյան դիրքերից և լուրջ ներդրում է սովետահայ պատմագիտության մեջ:

ՄԱԿԻԶ ԱՐՁՈՒՄԱՆՅԱՆ

Պատմական գիտությունների քվեարար
ԷՊԻԿ ԶՈՂՄԱՐՑԱՆ

Պատմական գիտությունների քննաձույն